

Man darff hier keiner Schantzen nicht/  
Dem Feind ohn das man wol abbricht.  
Wer wolt denn nicht den Venus Sieg/  
Vorziehen weit des Martis Krieg/  
Er ist ein schrecklich böser Mann/  
Sie aber nichts als lachen kan/  
Er ist ganz voller Grimmigkeit/  
Sie aber voller Höfflichkeit/  
Er lebet in Sturm vnd in Strauß/  
Sie aber theilt fein Schmätzlein aus/  
Gibt er ein Beut / das kan sie auch/  
Aber mit viel bessern gebrauch.  
Darumb Herr Breutgam wolgeacht/  
Habt Ihr euch nun gar recht bedacht/  
Vnd Martem Martem bleiben lahn/  
Seyd worden Veneris Kriegsman/  
Kriegsman / Siegsman / das ist ein Frewd/  
Was gilts in kurtzen wird ein Beut/  
Zu rechter Zeit werdn gegeben/  
Dis selbst haben wird das Leben/  
In diesem Krieg manch praff Monsier  
Kempfft / vnd manch hurtig Cavallier/  
So wol als bey Marti im Feld/  
Streit vnd krieget ein wacker Held/  
Hiemit wünsch ich ein gute Nacht/  
Herr Breutgam nembt ja wol in acht/  
Die Braut / vnd euch fein lustig macht/  
Damit Holla zu guter Nacht.

Andreas Dorlemann.  
Nivimontanus.

C 2

Dis